

III. OUTRAS DISPOSICIÓNS

ACADEMIA GALEGA DE SEGURIDADE PÚBLICA

RESOLUCIÓN do 17 de outubro de 2011 pola que se convoca un curso sobre urbanismo.

Dentro das actividades programadas para o ano 2011, en virtude do convenio de formación asinado entre a Academia Galega de Seguridade Pública e a Deputación Provincial de Lugo, anúnciase a convocatoria dun curso sobre urbanismo, conforme as seguintes bases:

1. Datos da actividade.

Denominación: urbanismo.

Tipo: curso.

Horas lectivas: 20.

Modalidade: presencial.

Obxectivos: dar os coñecementos necesarios en materia de urbanismo e a súa normativa para que lles sexa útil aos/ás destinatarios/as no desempeño posterior do seu labor profesional.

Contido:

Módulo I. Novidades lexislativas en materia de tráfico e seguridade viaria.

Módulo II. Lexislación municipal: últimas modificacións.

Módulo III. Intervención policial.

Módulo IV. A seguridade cidadá. Identificación de persoal.

1. As licenzas urbanísticas. Clases. Actos suxeitos a licenza. Tramitación. As ordes de execución en materia urbanística.

2. Procedemento sancionador en materia urbanística.

3. Delitos contra a ordenación do territorio. Concorrencia entre delito e infracción administrativa. Delitos contra o patrimonio histórico e o medio natural.

4. Papel da policía local en materia urbanística.

5. Obradoiro de redacción de informes e atestados da policía local en materia urbanística.

2. Desenvolvemento da convocatoria.

Destinatarios/as: persoal dos corpos de policía local da provincia de Lugo.

Prazas ofertadas: 30 prazas.

Reservarase o 50% das prazas para solicitantes mulleres que reúnan os requisitos exixidos na convocatoria, segundo o disposto no artigo 37.bis da Lei 7/2004, do 16 de xuño, galega para a igualdade de mulleres e homes.

Publicación: esta actividade formativa e tamén todas aquelas que se desenvolvan en colaboración coa Deputación Provincial de Lugo, será obxecto de publicación no *Diario Oficial de Galicia* e no *Boletín Oficial* da provincia de Lugo.

3. Solicitudes de participación.

Prazo de inscrición e presentación: o prazo de inscrición e presentación de solicitudes de participación rematará o día 31 de outubro de 2011.

O persoal que desexe participar nesta actividade cubrirá a solicitude de participación que se encontra na páxina web da Agasp <http://agasp.xunta.es>, no epígrafe Actividades formativas, Cursos con inscrición aberta, e remitirana telematicamente.

Esta mesma solicitude, unha vez remitida a través da web, deberán imprimila, asinala o/a solicitante e obter tamén a sinatura da autoridade do concello de que dependa, enviándoa á Deputación Provincial de Lugo, Área de Formación (fax: 982 26 01 69), rúa San Marcos, n.º 8, 27001 Lugo; ou ben poden entregarse en calquera dos lugares previstos no artigo 38.4.º da Lei 30/1992, do 26 de novembro, de réxime xurídico das administracións públicas e do procedemento administrativo común.

Listaxe de solicitudes seleccionadas: a selección do alumnado realizarase pola Deputación Provincial de Lugo, que remitirá á Agasp a listaxe das solicitudes de participación que resulten seleccionadas para a súa publicación na páxina web <http://agasp.xunta.es> o día 2 de novembro de 2011.

Obrigas das persoas seleccionadas: as persoas que resulten seleccionadas, teñen a obriga de participar no desenvolvemento da actividade, agás que comunicasen a súa imposibilidade de asistencia con cando menos 48 horas de antelación ao comezo desta. Esta renuncia deberase comunicar por escrito á Agasp, por correo electrónico ao enderezo formacion.agasp@xunta.es ou por fax ao número 886 20 61 22.

Noutro caso serán excluídas automaticamente da selección para as dez seguintes actividades que se convoquen, para as que reúna os requisitos exixidos de participación (artigos 18 e 21 do Regulamento de réxime interior da Agasp, en relación co artigo 46 do Decreto 243/2008, do 16 de outubro).

4. Desenvolvemento da actividade.

Lugar: Área de Formación da Deputación Provincial de Lugo. Rúa San Marcos, 8.

Horario: das 16.00 ás 21.00 horas.

Data de comezo: 7 de novembro de 2011.

Data de remate: 10 de novembro de 2011.

Certificado de asistencia: ao remate da actividade entregaráselle un certificado de asistencia a aquelas persoas que acrediten a súa participación continuada.

5. Baremación da actividade.

Para os efectos do previsto nos anexos II e III da Orde do 28 de xaneiro de 2009 da Consellería de Presidencia, Administracións Públicas e Xustiza, publicada no DOG do 2 de febreiro, esta actividade terá unha baremación de 0,300 puntos.

6. Dereitos e deberes do alumnado participante.

Durante o desenvolvemento da actividade ao alumnado seralle de aplicación, en canto aos dereitos e deberes, o previsto no Regulamento de réxime interior da Agasp, aprobado

pola Orde da Consellería de Presidencia, Administracións Públicas e Xustiza, do 4 de febreiro de 2009 (DOG núm. 30, do 12 de febreiro).

7. Modificacións e incidencias.

Tanto a Academia Galega de Seguridade Pública como a Deputación Provincial de Lugo poderán modificar o desenvolvemento normal da actividade para adaptala ás necesidades da Administración e ás continxencias que poidan xurdir.

A Estrada, 17 de outubro de 2011.

José Carlos García Bouzas
Director xeral da Academia Galega de Seguridade Pública